



含經堂集總目

卷一

古今詩一

卷二

古今詩二

卷三

古今詩三

卷四

古今詩四

卷五

古今詩五



卷六古今詩五

卷六古今詩六

卷七古今詩四

卷七古今詩七

卷八古今詩三

卷八古今詩八

卷九古今詩二

卷九古今詩九

卷十古今詩一

卷十古今詩十

卷十一古今詩一

古今詩十一

卷十二

古今詩十二

卷十三

古今詩十三

卷十四

古今詩十四

卷十五

古今詩十五

卷十六

賦

卷十七

奏疏一

卷十八

奏疏二

卷十九

奏疏三

卷二十

奏疏四

卷二十一

奏疏五

卷二十二

奏疏六

卷二十三

序一

卷二十四

序二

卷二十五

序三

卷二十六

記

卷二十七

墓誌一

墓表 專 祭文

卷二十八

墓誌二

卷二十九

神道碑
墓表
傳
祭文

卷三十

題跋

別集上

制草

別集下

議
碑
公牒

附錄一

行狀

附錄二

墓誌銘

含經堂集總目終

含經堂集總目

含經堂集卷一目錄

詩一

徐州道中

南池

同友登濟寧州城

望太白樓

天津

臚傳

同華鵝湖葉訥菴赴京兆宴

立春日應制

扈從釋奠先師廟恭紀

春日院中讀書館試

便殿 召見恭紀

扈 駕南苑

送錢咸亭視馬秦州

春日 閱武 召百官詣南苑

送友人佐郡滇中

送譚灌湘前輩予假歸觀景陵

南苑扈 蹕夜 召見便殿

送丘曙戒侍講倅瓊州

內殿 召見恭紀

送蔣辰生歸里

送楊陶雲歸里

送金嘉賓還里

送陳階六給諫帥漕閩中

送王安禮之任南漳

送方蛟峯備兵濟寧

中秋夜集何涵齋宅歸寓同宋蓼天前輩再飲

送米紫來沭陽省覲二首

送友遊泰山

病鸚鵡

秋日雜感四首

送吳錦雯司理肇慶二首

送許天玉之任

左官後作二首

諸同年郊餞留別

舟行口吟

野眺

放鴈

舟中九日

遊寶華菴二首

舟中即事

途中立冬

舟中生日作

舟次清淵復登陸北上

次大屯

武城

獻縣道中

行次石門值大風

雄縣道中

冬日二首

送同年張工部尊淑歸里二首

冬日二首

秋熱直中

秋熱直中

秋熱直中

秋熱直中

秋熱直中

秋熱直中

含經堂集卷一

積學齋徐乃昌感書

崑山徐元文立齋著

徐州道中

曾是雄藩北向開
大河南下勢滌洄
雲懸萬堞波光動
雨過千山曉色來
漢壘已平留故廟
楚都無跡賸荒臺
馬蹄蜷局鴻寥喚
極目悲風起客哀

南池

昔賢遊賞地寥落
一池清苔蘚侵碑
古荷蕖近岼平客
帆雲外出高閣望
中橫鄉思增紆鬱
良辰託酒鎗

同友登濟寧州城

執手一登城城高
暮色橫炊煙千井
合野草萬疇平澤

畔嘶征馬樓頭臥老兵故鄉多帶甲眺望獨心驚
望太白樓

極目層樓迴猶傳供奉名風流真絕代馮弔此孤城落
日春帆遠遙煙暮堞平何當命尊酒長嘯倚簷楹

天津

嚴程趨帝里左輔入天津海色看風雨河瀾自鬼神梯
航百道會絲管一城春數載頻為客飄蓬尚此身

臚傳

曙闕曈曨廣樂張佇聽臚唱肅班行仗前綵映青袍色
鑪外煙凝黃紙香六字題來看御墨五雲飛處引仙裳
草茅姓氏傳呼遍 天語還聞下九閭

時蒙 至尊亦再
呼名故有落句

同華鵝湖葉訥菴赴京兆宴

彤騶高唱帝城隈數部笙歌響若雷綺陌誰家垂繡箔
錦鞦是處動芳埃尊隨絳燭歌前換帽側宮花醉裏回
何意占星成盛事故人同日會蓬萊

立春日應制

北陸寒收漾曉光冰池初泮景初長珠輪夾日丹霞外
繡閣連雲紫禁旁拂拂梅風飄玉瑄霏霏柳霧動銀塘
今朝御苑春先發次第陽和到八方

扈從釋奠先師廟恭紀

鑾輿曉出鳳城邊瑞氣園橋接御煙綺結雕簷陳玉豆
雲開璧戶宿金縣詩書萬國從文治劔珮羣公直講筵

陪從叨恩無以報觀成惟奏辟雍篇

春日院中讀書館試

暄風颺天和鮮雲覆迴廊懷生吐榮秀
帝澤涵百昌
芸靡太微近始值開青陽候鳥流好音妍卉生繁香嘉
辰洵可悅營道慕周行圖書聚祕府上充文杏梁柔翰
恣馳騁精心鑒微茫紛吾覽古情繼以華燈芳夜輝照
庭際星漢垂天章宵旦警無時日月逝相望感彼勵志
詩責躬何慨慷鬱鬱上林樹中有鷓鴣翔豈無乘雲翮
天路邈相將何以荅昌代庶擅典籍場

便殿 召見恭紀

春暖鶯啼碧樹芳儒臣委珮奉明光親承玉札雲霄上

分飲瓊漿日月旁載筆欲同周右史題名寧羨漢仙郎
空傳枚馬金門侍只倚雕蟲事武皇

扈 駕南苑

寒谷春歸緩熙陽帝力開龍旂天外轉鸞馭日邊來武
節颺金鐏歡聲獻玉杯長楊應有賦竊愧子雲才

送錢咸亭視馬秦州

送君攬轡賦皇華西指秦川道路賒充國營前還駐節
隗躡宮下正停車秋肥苜蓿嘶邊馬春入盤嵯採蜀茶
柔遠且須仍故事天閑百萬自雲霞

春日 閱武 召百官詣南苑

黃山上苑帝城東講武營開駐蹕雄甲擁文犀寒白日

旗翻翠羽動春風
星羅萬騎龍驤合
景從千官鵠立同
豈得時清忘戰略
至尊手挽六鈞弓

送友人佐郡滇中

驛路通金馬
功名萬里中
地當初定後
政許昔賢同
水到昆明黑
苗過劄佐紅
軒車莫留滯
撫字及春風

送譚灌湘前輩予假歸覲景陵

此日恩光紫詔宣
承歡喜誦白華篇
江帆風遠看吳岫
驛柳煙深入楚天
綵服到家同畫錦
板輿奉母是雲軿
驪駒聲裏增惆悵
祇爲庭間望久懸

南苑扈 蹕夜 召見便殿

離宮初夜樹蒼蒼
中使傳呼拜御牀
純席琅函陳甲乙

華燈綵筆間丹黃
閑諮風土恩偏渥
追數興亡語更長
銅箭漫催行漏永
深宵還得賜羹嘗

送丘曙戒侍講倅瓊州

丘遲珥筆重承明
怙悵金羈出鳳城
炎徼一麾明主意
蠻雲五管故人情
鮫宮風定鳴榔過
海嶼花開攬轡行
此去不須愁遠謫
會看前席問蒼生

內殿 召見恭紀

右儒逢聖世
講藝屬昌年
道抉圖疇秘
文開禮樂先
北辰輝象極
東壁應星躔
獻賦書連踵
橫經學比肩
石渠陳寶席
金匱啓瑤編
拾翠詩頻奏
長楊賞獨偏
風和珠網外
雲靜綺櫺前
宮錦裁成坐
蠻花賜作箋
葵惟知就

日管自慙窺天何意蓬茨陋濡毫頌得賢

送蔣辰生歸里

落日青門旅思哀歸人遙指白雲隈宮衣客裏迎涼去
畫舫天邊逐浪開別路兩深頻對酒異時秋爽獨登臺
元卿莫便耽三徑華國還須作賦才

送楊陶雲歸里

一官辭禁苑千里越關河主澤因歸見離情向客多
去帆寒拂雨落葉晚增波感慨經行處中流起棹歌

送金嘉賓還里

驪驂留未得揮手惜斜曛望裏千門迴尊前兩地分波
明江岼樹秋動海門雲前路相思日那堪白鴈聞

送陳階六給諫帥漕閩中

曾聞諫疏動楓宸此日褰帷向七閩碧海波涵彭嶼月
蒼山花發武夷春籌兵久切巖廊畫轉饒仍煩侍從臣
民力東南今已竭看君何以布皇仁

送王安禮之任南漳

沮中深處近三巴道路蛇行地犬牙穰樹每啼初識鳥
深山時發沒名花荆襄兵火垂三紀市井流亡賸幾家
此去蒼黃盡歡喜待沾甘雨擁行車

送方蛟峯備兵濟寧

祖帳青門積雨收東行新躍紫驂騶池亭細柳少陵句
城郭秋風太白樓帆落千艘天府貢水分雙練濟河流

登俾明月常清嘯知是元規興未休

中秋夜集何涵齋宅歸寓同宋蓼天前輩再飲
珠露金風夜未央華堂虛敞宴何郎銀船促送珊鈎戲
翠障寒移絳蠟香一簇笙歌人似錦萬家砧杵月如霜
良朋餘興連歸馬更啓蕭齋酌桂漿

送米紫來沐陽省覲二首

送爾揚舲去承歡著綵衣愁余千里客徒自戀庭闈雨
過殘虹斷風高獨鴈飛何時還薊北重與並金羈
極目淮陰道還思國士才關河憑慷慨兄弟此徘徊湖
水千檣迴巖城萬井開懸知壯遊處清嘯一登臺

送友遊泰山

羨子探東嶽披雲入翠微天孫開垌莽日觀俯光輝氣
象層巒豁文章萬壑歸登臨當歲晚霜色上征衣

病鸚鵡

一離瘴海到重城縱處雕籠意豈平乍見清霜侵曉恹
每支孤影入宵驚鄉懷荔子空懸夢侶慕山雞總繫情
毛羽摧頽亦焉訴祇應辛苦自分明

秋日雜感四首

雲物蒼涼禁籞同逼人秋氣動遙空銅池雷滴宵宵雨
金井梧飄葉葉風秘閣幾曾鏘佩玉繚垣時聽響哀鴻
當年醉草青詞處滿徑苔衣鎖碧宮

天兵萬里播聲靈誓掃鯨鯢服不庭催戰正馳赤白羽

轉輸難論斗箕星同時將帥推徐勣蓋代勲庸數衛青
文齒雕題拓地遠受降還擬到窮溟

金風閭闔授衣初隴畝荒蕪足感歎淮右人民祈石鵞
江州車馬就河魚大農孰問長平粟左藏仍編會計書
但得政苛非猛虎甘將膏血佐儲胥

夢到闔閭城外望一天寒色滿平蕪街調獻轡嚴秋馬
樹繞將雛子夜烏白羽將軍初建節青苗長吏正催租
廟堂自軫艱難意誰繪流民入畫圖

送吳錦雯司理肇慶二首

錦雯曾司理吾郡

曉日驪駒動都亭宿雨寒送君萬里去不覺別離難五
嶺經新驛三瀧度急灘應知吳苑樹猶入夢中看

文章傳海郡風俗問滇陽地遠交遊少官閒嘯詠長山
禽來翡翠庭樹蔭枕柳吳隱清風在千秋意豈忘

送許天玉之任

才子紆新綬翩翩向隴西雙鳧秦阪度匹馬渭城嘶井
邑隗王舊詩篇杜老題無嫌宰邊邑前哲慎驅雞

左官後作二首

吹竽三載濫明光為值秋風製芟裳豈有微長酬 聖
世不勝餘淚哭 先皇金門霧結星河迴玉署煙迷草
木荒不是巖廊重回戀側身天地總心傷

負郭曾無田百畝逋租還有累千端楊雄槩為耽奇拙
晏子裘于向晚寒自笑生涯常是客由來吏隱不論官

蒼茅莫就靈氛卜且許楓江問釣灘

諸同年郊餞留別

同時簪佩直丹楓把袂難分柳市東前路山川寒照外
回頭宮闕碧雲中一尊酒破柯亭竹千里人馳木葉風
知憶白蘋洲畔客好憑雙鯉寄詩筒

舟行口吟

去國帆疑疾還家棹苦遲兩心殊不極千里總多岐遠
色當空淨秋聲入夜悲終朝風景換人事暗推移

野眺

野岼停橈處空皋落日時尋枝鷗去急度壠犢歸遲岫
遠青疑隱林寒綠半危客心方極目愁煞暮笳吹

放鴈

一墜青雲重自傷何期白水更迴翔曾經戢翼飛猶健
得託能鳴感詎忘帶月欲棲偏顧影侵霜暗叫待成行
應知四野多矰網莫便生涯寄稻梁

舟中九日

孤舟驛路對重陽拂夜商飈到客裳不插萸房空理鬢
未餐菊蕊亦傾觴鴻遲孤影臨河水柝急寒聲度女牆
轉憶江南當此日催租風雨暗鱸鄉

遊寶華菴二首

招提臨古渡機棹暫相從水木珠林繞煙霞貝殿封空
庭喧鳥雀畫壁動魚龍更上高臺望邨邨急午春

金經堂集卷一
老僧年七十枯坐曲欄邊爲問開山日知從渡海還一
龕持半偈十畝供諸天何必幽巖曲方修大乘禪

舟中即事

邨原雨歇暮煙舒黃篾樓中掩卷餘客市紫鱗供下酒
僧攜丹果乞臨書笙歌別舫乘潮急鐘梵遙林到浦疎
千頃月明人正醉碧天寒色滿衣裾

途中立冬

草色霜淒木葉殷迴風不定莽蒼間半天殘照明遙渚
一片嚴雲起亂山堽戶人家方作苦收禾父老未偷閒
可堪嘹唳鴻聲裏有客帆經九折灣

舟中生日作

閒思二十八年事擬傍巖流搆一椽已厭輪蹄心木石
况經陵谷眼風煙歸情自託中流楫身計無勞負郭田
鄉里故人應慰問嵇生愁鬢久皤然

舟次清淵復登陸北上

征帆方向濟客路又臨燕迹已風霜習心終雲日懸人
煙寒燒外樹影夕陽邊漸覺揮鞭晚荒城鼓柝傳

次大屯

荒屯斜日大河濱羸馬西風野外塵把鞦兒童群放犢
腰鎌父老共攜薪邨前樹聳圍成郭望裏垣頽立似人
猶有壺漿來候吏濁醪麤得慰艱辛

武城

絃歌聲已絕淺水咽孤城帶樹人家少綠堤獵馬輕有
官惟苦役無戶不愁兵夜色空如練行看故壘驚

獻縣道中

北指獻陽路垂虹石綫通舳艫邨樹外睥睨野煙中地
迴頻移日林疎易得風不知前路遠貫酒一停驄

行次石門值大風

巖風吹朔野荒草帶塵飛雉堞遊雲盡魚梁挂網稀已
迷千里目還怯五銖衣誰是晨門者應憐客意違

雄縣道中

碧天無際水雲浮邨郭霏微一望收夾岸高楊縈客騎
半湖淺葦出漁舟無端蹤跡偏驚鴈不盡波瀾自狎鷗

還憶舊遊車馬過征塵幾敝黑貂裘

冬日二首

鴻鵠摩天翔矯矯排虛翮所志在萬里曠蕩雲中迹不
作榆枋飛徒令鷺鳩惜君看盍旦鳥見惡抑何迫何如
暝歸鷗林柯恣所擇且須息羽翰啄飲聊自適陽曦會
有時慎勿傷夙昔

晚晚白日沉晡藹繁雲結大河日夕流泠泠響幽咽淵
鱗潛復遊木葉乾猶綴羣欣冬日溫農家顧愁絕愁絕
獨何爲窮冬不霜雪辛勤望歲心肌骨甘凍折長吏急
徵輸哀哉膏髓竭

送同年張工部尊淑歸里二首

歲晚荒塵路茫茫日易昏春江應北望梅訊到南邨瓠
落裘皆敝瀾翻舌自存相持彼此意珍重倒離尊
鄉心依白鴈客路對青巵羈跡曾何定離情許共知宿
雲連畫堞落日動哀絲班馬餘回戀雙嘶溝水湄

含經堂集卷一

含經堂集卷二目錄

詩二

奉使豫章出都門作

次河間訪戈育仲留飲

過德州

東阿道中

過穀城山望黃石

新嘉驛次壁韻

次兗州遇雨

遊兗州城東

過鄒謁孟夫子廟

過豐邑拜漢高帝廟四首

重過豐縣有感

豐邑友人見訪公解留飲

過張觀生廣文賦贈

過桃城懋香社寺口占次王文成公壁間韻

桐城山行

東林寺二首

歸里

子璧招飲誰園分韻得誰字二首

送董侍御易農巡河東三首

為楊菊廬題春曉亭

送盛珍示成進士歸里二首

秋夜同龔芝麓先生宋右之朱鶴門白仲調家子

星讌集李氏園林即席次韻二首

題王近微墨莊

和訥庵漁樵耕牧詩用元遺山長安門外盡康莊

原韻四首

易水懷古

由鑾儀經歷復翰林故官

送訥庵旋里分詠吳門古蹟得辟疆園

賦謝文侯兄

元日同豐縣友人遊鳳皇滕二首

登豐縣華山

豐縣懷古五首

斬蛇溝

厭氣臺

偃王塚

鄧侯宅

周勃廟

徐州遇雪即事三首

徐州雪中即事七首

過高唐

過臨淮

含經堂集卷二

崑山徐元文立齋著

奉使豫章出都門作

詔書分道下 神京持節洪都千里行風雨不迷青草

路山川惟信白雲程平疇秀麥綠征轍繞驛高楊拂使

旌此去三江秋水漲會乘歸浪石頭城

次河間訪戈育仲留飲

訪子輜軒路虛堂翠靄迎松添茶竈火芹薦玉盤羹舊

澤思 君父新愁話友生不辭桑落酒傾盞慰離情

過德州

百雉懸城壯千帆帶水長雲低官樹暗風定野花香瀟

落仍充使棲遲久越鄉據鞍聊極目平野正蒼茫

東阿道中

城對堯丘路山連瓠子宮斜梁沙塢外斷碣麥田中郭
樹千重出谿樵一徑通牆東遺叟在倚杖待行驄

過穀城山望黃石

黃石山仍在當年祠至今殷勤墮履意早識報韓心日
落圮橋暗煙橫濟水深遺書千載下誰與溯知音

新嘉驛次壁韻

夏木陰陰合春渠脈脈分露花一徑雨拂石半谿雲塢
舍參差見邨禽斷續聞唯餘殘碣在常自對斜曛

次兗州遇雨

宿煙昏魯甸急雨背齊關黯黯城千尺霏微水一灣雲
陰深覆隴霧勢遠移山野馬飛皆定汀禽浴自閑旃毛
侵柳暗車軸臥苔斑木末征人倦津亭候吏還披涼懸
雷外待霽夕陽間突兀南樓暮榛荒不可攀

遊兗州城東

雨歇魯王城星留漢使旌千家圍澗色萬木變禽聲臺
古春屯牧樓荒暮列營停軒聊眺聽騎吹正逢迎

過鄒謁孟夫子廟

間氣嶧山蒼真源泗水長江河維世運日月揭天常辛
苦齊梁志幾微楊墨防七篇垂後學百載待興王故里
遺祠在崇廡峻路旁龍虯交古木烏雀避空廊蘚雨侵

金華集卷二
二
堦濕松雲護牖涼冕裳餘氣色金石動輝光半蝕豐碑
字微頽寢舍牆林巖分翠靄山郭對斜陽近聖瞻鄰壤
遺宗住一鄉升堂百拜後回首意難忘

過豐邑拜漢高帝廟四首

天授資人傑神奇借地靈猶餘湯沐舊得薦黍茅馨蔭
戶槐枝綠綠庭薤葉青沛兒歌舞處樵唱不堪聽

魂魄依原廟威儀儼漢官不存縣叢禮還識竹皮冠氣

象標隆準精靈障急瀾

嘉靖中河決豐縣獨高祖像浮洪瀾中不去相傳此像高祖手植棗所製

大風方

四起憑弔日初殘

群雄方逐鹿故舊半攀龍日月天行近衣冠廟祀從分
行承鳳宸夾陛對鳧鐘因識君王貴如瞻漢殿容

數椽仍碧瓦半畝竟蒼苔城對空堤暮門臨涸渚開秦
臺餘氣色沛筑剩悲哀車馬風煙外椒漿奠一杯

重過豐縣有感

古道風煙合重城草樹斜經過驚歲月問訊到桑麻字
滅題詩處帘移貫酒家眼前今昔意惆悵急悲笳

豐邑友人見訪公解留飲

門外停車轍庭前集佩裾來存千里客共話十年初驚
眼新蓬鬢探懷舊尺書青尊同一醉明月滿軒除

過張觀生廣文賦贈

石笋娛張祐青瑣傲鄭虔一瓢常自足三徑故依然健
筆龍蛇走高文風雨旋閒來過柳市醉解杖頭錢

過桃城憇香社寺口占次王文成公壁間韻

車馬桃城市煙霞祇樹居風沈林磬晚雨潤石牀虛苔
蘇封幽徑桑麻滿近墟前賢題詠在俯仰百年餘

桐城山行

翠巘參差障列城蒼然草樹雜無名經過山腹雨初暗
散亂石根雲正生慣翦松茆編堊築看疏谿溜灌春耕
攀蘿未是籃輦賞荷笠愁為鳥道行

東林寺二首

松門隱高寺清梵對鑪峯傍澗探龍骨臨溪躡虎蹤蒼
苔碧樹合危磴白雲封短屐尋僧去遙聞幾處鐘
影殿松杉古齋田菡萏披到來塵埃息坐久客衣滋陶

令當年社顏公絕代碑山靈應盼嚮振古護層楹

歸里

山韭初黃筍蕨肥此行猶未遂初衣空如栗里人歸去
却憶朶源路到稀綵服且寬遊子戀清觴聊對故山揮
何時結駕華陽曲日館雲庭興不違

子璧招飲誰園分韻得誰字二首

平泉饒木石愛客許探奇綺樹霞明砌瓊枝雪覆池披
襟談舊事啜茗和新詩不盡芳林賞留歡擬待誰

亦知春色好何處息金羈共此林園興寧論賓主誰杯
香花裏發燈影月中移不覺歸驂晚嚴城畫角吹

送董侍御易農巡河東三首

侍御天廟器沉深好讀書作賦追西京詩體侔黃初工
書似韋誕才藝過魏舒釋褐甫壯歲出入承明廬拔迹
蘭臺寺桓鮑良弗如霜氣肅羣物惠風暘九衢休沐輒
瀟灑一卷樂有餘矯然青雲姿自與凡俗殊

先皇昔講武雕輦臨長楊離宮燒絳蠟夜坐披封章歎
息真御史 天語聞琅琅名對詣南苑大官賜瓊漿敕
送羽林騎人馬生輝光此事已五載攀髯涕沾裳抒心
似葵藿終願傾太陽更張喻琴瑟細大慎紀綱亮哉諤
諤士如鳳鳴高岡

詔書下栢府國計勞青驄逶迤陟太行驅暑揚清風晉
山發朝爽汾水收夕虹鴈門控塞表蒲坂連秦中隨軺
甘雨潤拂幘秋花穠悠悠遠行邁攬轡一何雄伊予託
深契感遇昔所同泛轅跡方困埋輪名獨崇酌子盈觴
酒離思方無窮

為楊莉廬題春曉亭

四面雲峰合千迴石磴開丹巖臨綺榭釣渚傍層臺曙
覺春禽好吟添灌木哀何人會幽趣獨愛草玄才

送盛珍示成進士歸里二首

緇塵滿京國相遇客衣同猶喜故人達都忘吾道窮聽
鶯宮柳外驟馬苑花中莫道名成晚應培萬里風
意得雲霄上人分津路前歡情濃別酒賀曲被離絃水
闊鳴榔度山明著繡還草堂應枉駕旅思待君傳

秋夜同龔芝麓先生宋右之朱鶴門白仲調家
子星讌集李氏園林即席次韻二首

招尋逢勝地物外自清幽望遠翻宜夜憑高倍得秋
城頭河影度杯底露華流無限深林思空濛一覽收
就月芳筵換聽歌綺樹寒偶來成勝集誰信是長安林
影重重出山煙面面看謝公清興極吟嘯欲更殘

題王近微墨莊

心賞耽幽壑東山屬謝公松林書閣暖草徑墨池通
埽石迎歸月揮琴對晚風翛然塵境遠坐嘯白雲中

和訥庵漁樵耕牧詩用元遺山長安門外盡康
莊原韻四首

長安門外盡康莊萬頃煙波逸興長
細雨斜飛鼓短筇碧汀遙引動輕航
菱歌唱罷荷衣晚菰米炊成玉鱠香
多少京華冠蓋侶披裘誰得似嚴光

長安門外盡康莊伐木聲幽白晝長
負日坐聽山鳥哢檐雲行逐野花香
藤溪松塢遊皆勝草帶芒屨興自狂
却笑稽山刈薪客治經曾不忘明光

長安門外盡康莊荷耒東皋較雨暘
谿溜平滋桑宇綠隴雲斜覆稻畦黃
開軒時把新篘酒築圃還餘宿畝糧
不遣車騶到蓬華此身常得卧南陽

長安門外盡康莊息阪穿林度遠岡
樹底開襟風瑟瑟溪邊飲犢水浪浪
編蒲此日還乘興洗耳何人未覺狂

鐵笛一聲斜照裏絕勝叩角引清商

易水懷古

荆卿報秦讎躊躇故不行非為捐軀難所志期功成重
違太子意慷慨趨咸京出門不顧返怒髮衝冠纓飄風
正蕭瑟流水亦淒清歌聲兼筑韻錯雜相悲鳴睥睨上
秦殿意氣紛縱橫堪胸事不諧倚柱身已傾哀哉矐目
客懷彼同讐情諒無投鉛效義重生所輕他時滄海士
狙擊如雷驚終奪祖龍魄逐鹿與羣爭擊刺雖下策千
載思精誠至今易水上日暮多悲聲

由鑾儀經歷復翰林故官

落拓長安意氣存舊官却得拜新恩已辭羽衛違天仗

更捧圖書直禁園幾載攀弓徒有淚當年賜錦尚餘溫
兩朝何以訓殊遇葵藿傾心徹曉昏

送訥庵旋里分詠吳門古蹟得辟疆園

無復林塘跡臨風起暮愁地當吳苑治人憶晉風流弔
古憑千載探奇寄一丘平生足幽興歸到共淹留

賦謝文侯兄

十年釣軸領中州清洛高嵩滿頌謳顧我健才非小謝
快君偉伐冠諸侯霜風驛路逢騶節漏雨鈴齋促酒籌
却憶鄉園留未得此行何用答綢繆

元日同豐縣友人遊鳳皇滕二首

豐為吾師太原閻
崑浦先生舊治

漢室興龍地猶傳是鳳城迴翔春岍曉照耀錦衢明晚

莢榆偏古初芽柳尚輕鳳膝之下有榆一枝莢錢待逢梧竹實昂

秋落又連隄樹柳故云

首合長鳴
乘高臨萬井覽物慶三元為得良朋賞因思知己恩風
琴泉溜瀉官樹郭陰繁鳳德何當隱諸生正及門

登豐縣華山

亦復三峯石磴披居人夸說故靈奇曾無武帝尋仙駕
却奉高皇故里祠幾處尋碑看墓刻數家迎客倒邨瓶
風前晚控青絲勒不覺狂敲白接離

豐縣懷古五首

斬蛇溝

狂秦已絕蒼生望靈媪空招白帝魂劒氣化成虹去後

喻將溝水更無存

厭氣臺

千童未發歌風響沛有歌風臺萬乘曾勞厭氣來日落蒼茫回

照裏秦灰漢業總生哀

偃王塚

荒塚蕭條樹色秋朱弓曾啓霸王謀只今雨雨風風夜

雲影猶疑護一坏相傳風雨之夜塚旁隱見樓榭邑志亦云

鄼侯宅

相國分珪敘首庸貽謀曾不治垣墉總營當日咸陽麗
宮闕荒煙亦暮蛩

周勃廟

安劉竟謝王丞相假節還資陸大夫應是成功須厚重
他時博陸最相符

徐州遇雪即事三首

縣區銀作礫盈野玉為塵倍壯山河色先開梅柳春風
蕤齊卷素霧縠遠鋪茵偶揖門前客如逢剡曲人
霜笳寒陌動金勒綺城移為酌延枝酒兼裁和郢詞明
還侵幌燭密欲亞庭枝坐及東方曙渾疑未曉時
晏子裘偏冷淳于酒更頻津塗全失路留滯且兼旬吳
市應垂練寒江想釣緡謝庭聯詠日知憶未歸人

徐州雪中即事七首

銀燭金波盡掩明璇林瑤草頓敷榮繁歌正奏華軒裏

曾是陽春有和聲

聽歌吳氏齋中

嶺上總迷王子鶴池頭莫辨右軍鵝却看數點鴉棲處
白練圍中墨幾螺

戲馬臺邊天馬舞雲龍山上燭龍行黃河一線春流駛
淼漫疑從此日清

盡掩蒼黃迷一望自隨高下賦千形鮮妍莫道無堅節
最稱珊珊松竹庭

刺史偏尋巖壑蹤移家華嶽對芙蓉今朝拄笏看山坐

恍挹神漿玉女峯

張守話及移家華山下

癖耽半嶺孫登嘯苦愛高軒李賀辭滿目瑤華難折贈
山南山北各相思

孫谷宗李進也別去

積雪川原日欲斜
蕭蕭車騎客愁賒
可憐雞犬餘聲裏
尋得雲中三兩家

雪中不得卸舍良
久始獲卸鞍故云

過高唐

盼子守高唐
趙馬怯飲河
所照千里遠
明珠詎足多
我來崇武地
日暮臨青莎
齊謳邈不聞
歎息興勞歌
絕塔宿歸鳥
短樹脊輕蘿
長風正天末
客思將如何

過臨淮

古驛平臨渡
雄城遠見樓
千巖分曙雪
萬畛下新流
覓路依殘草
逢樵訪故丘
儵魚殊自樂
濠上得來遊

含經堂集卷二

含經堂集卷三目錄

詩三

上總漕林公

徐松之投贈五言依韻奉答

再酬松之

贈吳園茨二首

新安送周恕菴還廣陵

鴛湖送姚際斯觀察二首

嘉興天寧寺送周孝威暫還吳門

戴飛遵表叔欲歸以四韻慰留

吳興別所知二首

題楊士虞容閑閣

初發錢塘

舟中雨後

過富陽

嚴灘

江郎山道中

三卿口

仙霞嶺

水碓

同年趙閩公令新城還閩有贈

遊石鼓山靈源洞二首同鼇峰上人賦

喝水巖

登芳巖峰

烏石山月夜二首

宿歇菴示鼇上人

高烈女

洪烈女

贈歸化令黃蒼潭

閩歸將北發贈吳脩齡

曹冠五招飲龍井山

己酉三月十二日由德州次劉智廟遇雪

早朝

送侯大年由萊蕪南歸

送沈繹堂前輩南還

七月望日宿壽陽驛口占次韓昌黎題壁韻

韓信嶺

關中棘院言懷示同事諸子四首

華山二首

函谷秦關

甘壕

函谷漢關

二月十七日

恭紀四韻敬次和

上御經筵大學士寶坻杜公垂示

庚戌三月四日恭聽傳臚喜家大兄及第

蒙恩授國子監祭酒作

庚戌除夜

辛亥元旦

二月十七日

紀

上御經筵禮畢 賜宴協和門恭

同家大兄招同郡諸公集黑龍潭分韻二首

含經堂集卷三

上總漕林公

崑山徐

元文

立齋著

間氣生英傑風雲契廟廊一心扶象極千載繼伊唐獻
納從青瑣訐謨滿阜囊語回天地大氣壓華嵩昂玉佩
輝卿月霓旌動將芑典司喉舌重作鎮股肱良海宇明
高日江城肅晚霜指揮成壁壘課較及農桑更筦漕糶
重還看府幕張河瀾春正駛淮月夜偏涼天府千倉粟
長渠萬里檣京坻煩至計尊俎賴深防東國應開社南
詩欲紀棠憂時元老鬢濟物異人方學究三墳秘才經
百鍊剛一時憑柱石四國仰衣裳驚馬邀深顧鉛刀遇

發鉉謬穿揚圃葉遽占桂叢芳釋屩趨鴛鴦抽毫待鳳皇
大君恩最渥知己誼難忘執戟何顛躓攀弓獨渺茫
安仁官序拙阮籍轍塗妨雨露分晨闕吹噓到汜鄉
蒙泉還學海朽木再登堂得奉諸生禮來依夫子牆感
恩常有頌為國紀平康

徐松之投贈五言依韻奉答

松之所居乃王珣故宅

家是王珣宅人傳徐孺亭高情何曠遠孤迹但飄零舊
壑歸雲白深林帶雨青臞庵圖史壁還架貝多經

再訓松之

詩句陰鏗好相逢恰贈行感君敦夙昔為我話生平迹
向鹿門老心依鷺嶺清無妨弄柔翰非欲故逃名

贈吳園茨二首

詞伯仍分岳專城罨畫中放衙山繞屋捲幕鶴歸櫳為
政兼寬猛徵詩雜雅風漢庭推露冕第一是吳公
課俗饒桑柘尋幽向薜蘿波明郭外樹雨濕訟庭莎解
壁題詩滿官廚餉客多白蘋洲畔路乘興數經過

新安送周恕菴還廣陵

黃海回車後青陽改歲前相逢真偶爾欲別倍淒然夢
逐春帆遠愁隨曙角傳憐君招隱意結耦是何年

鴛湖送姚際斯觀察二首

風物南湖好相逢別思侵百城留愛樹萬井潤甘霖共
識褰帷意難忘折檻心

際斯曾官給諫

輪轅攀未得是處感謳吟

名豈郊詵後余中副榜與際斯同門貧惟鮑叔知津亭方繫纜候館早
歌驪初鴈迎還旆清霜澹遠麾關河多壯闊霄路慎驅
馳

嘉興天寧寺送周孝威暫還吳門

同作三秋客津塗托友生貧能憂敬仲飲亦愛公榮宿
雨香臺冷歸風畫檝輕明知非久別為爾不勝情

戴飛遵表叔欲歸以四韻慰留

誰能論世事我祇任天真得酒難辭醉懷家不厭貧鳳
知棲未穩龍覺性難馴莫便輕揮手相思感別晨

吳興別所知二首

時將為嶺表之行

綺梅飄故豔碧柳曳新妍一作菰城客三迴浙水船素

情凌白璧逸句韻朱絃此日前溪舞相看却黯然

一別便千里離歌未忍聽酒傾上下若路指短長亭荔

子參天紫枕榔入座青思君常在眼不道隔南溟

題楊士虞容閑閣

高懷遺世趣寓跡在城隈傑閣侵雲立疏窓面水開斜

陽銜嶺入新月過湖來庭鶴知清賞相將步石苔

初發錢塘

旅程殊不極西望已濛濛山氣多含雨津帆獨信風鄉

心離鴈外生事泛萍中不及千溪水流波只向東

舟中雨夜

朝暮兼春雨江流滯客程山雲皆暝色澗壑共新聲野

金華堂集卷三
三
戍深宵火孤舟欲曙更茫茫竟何緒非有越鄉情

過富陽

水驛浮輕楫江楓導去程流光眼底換幽意客中生灘
過先聞響山迎數問名勞勞詎無謂得向富春行

嚴灘

此地子陵隱清風不可攀巖亭無歲月石瀨有潺湲投
餌曾何意披裘只自閒無端爲文叔留跡到人間

江郎山道中

旬日看山足還行山靄中初晴時鳥弄過雨亂流通絕
嶺連雲碧蓼花點石紅相迎如有意吾道豈全窮

三卿口

在仙霞嶺北

峰路深無極盤空轉客車飛梁橫作棧編竹泛成槎未
厭殊鄉語頻看異種花溪山耽眺聽偏惜日將斜

仙霞嶺

絕嶺縣千仞危關控百城雲爲殘雪色瀑作晚雷聲此
路何年鑿浮生幾日行祇增塵外想底事戀浮名

水碓

機器臨幽壑奇能比化工已傾桔槔智還倚轆轤功高
下流無定周環勢不窮未妨石衛尉金谷賞心同

同年趙閩公令新城還聞有贈

涖任甫二十日即告歸

初結陶潛綬旋歸揚子居真輕五斗粟自愛一牀書盤
荔朱光逼庭榕碧蔭舒溪山好風日羨爾狎樵漁

遊石鼓山靈源洞二首同鼇峰上人賦

架壑危梁迴懸崖絕磴微林間山鳥啁亭際石泉飛風
過涼生檻雲歸潤到衣由來攀陟處似此故應稀
峰勢全疑墜煙光乍欲流千尋看碧字百里辨丹樓身
世誰非客林巒總得秋我來攜慧遠真向石門遊

喝水巖

相傳宋神晏禪師安禪巖下惡溪水
聲喧振威一喝水遂回流由他澗出

曠代安禪客遺蹤霧壑傳直將臨濟旨轉作跋師禪翠
壁孤煙冷蒼臺古木偏無情翻易截何似有情牽

登芳巖峰

高峯直上勢崔嵬閩越雄州一柱開路轉千盤隨石筧
崖臨百丈聳丹臺鳥飛山外天如鏡人到雲中海似杯

便欲凌虛生羽翼翛然緹馬闌風來

烏石山月夜二首

徑自蘿陰密山從夜色深隔林微火出單衲小涼侵選
石移危坐今泉潤渴吟不知清漢下何處繫塵心
月宇乘高望金波澹欲流榕陰松外靜竹氣石間浮影
轉峰前寺光搖水上樓冶城十萬戶一一助清幽

宿歇菴示鼇上人

久客厭塵雜探幽意不忘豈期烏石嶺得借白雲牀漏
間鄰鐘響燈分佛屋光往來從欲數莫惜減僧糧

高烈女

有序

高烈女福州高瑤江考功女名細宋許字同里翁

穉登未嫁而天女執喪翁門者七年穉登弟生子立爲後即白親黨自經死事在康熙乙巳

冥鴻天際來孤飛下在渚稻梁盈陌阡翔集待儔侶如
何命不猶颺風起天末驚雄一失所羈鷓隨風落豈乏
飲啄謀矢志不獨活麟經書宋姬衛風詠栢舟綱常古
所重後代何悠悠式表烈女德永言砥千秋

洪烈女

有序

歙縣洪正時女許字同里葉春偉未嫁春偉死女欲自裁母閑之嚴他日有日者至女給母之中堂問星命遂闔戶雉經死

先王首庶物制禮緣人情從父猶稱女廟見嬪始成如
何不接面殺身全初盟烈哉洪氏子一死舉國驚行意
得所安豈曰顧世名山泐川有竭女德常堅貞

贈歸化令黃蒼潭

十年通籍久試宰近滄溟雲氣侵簾碧山光入幔青萬
家分雨露百里識雷霆他日黃丞相懸知重漢廷

閩歸將北發贈吳脩齡

縱橫文雅少人知千里追依慰夙期溪雨嶺雲看欲盡
春林秋月坐相移銜卮花下聯新句翦燭牕前譜舊棋
縱有飛揚跋扈意臨風能弗動離思

曹冠五招飲龍井山

巖樓當雉堞林館瞰虹梁勝地紆嘉會尊前忘越鄉溪

幽寒更綠山靜晚逾蒼不倚雙旌貴相攜步夕陽

已酉三月十二日由德州次劉智廟遇雪

春事將闌麥漸肥林間密雪忽霏霏乍疑庾嶺花遲放
轉訝隋堤絮早飛取醉沾殘邨外酒蔽寒搜遍橐中衣
馬蹄正滑西風緊逆旅停鞭好是歸

早朝

曙光開萬戶寒色隱千廬綵仗來中禁仙韶動碧虛龍
旂雲彩拂雉扇日華舒何幸蓬池側朝朝奉屬車

送侯大年由萊蕪南歸

半載衣緇京國塵放吟豪醉獨相親君家自昔多才子
客路相迎有故人千里齊山青似黛三秋江水白于銀

祇今落拓南歸日好句盈囊未是貧

送沈繹堂前輩南還

青綺門前柳色新送君匹馬向河漣共知 聖代文章
伯猶是 先皇侍從臣三伏擁裘常善病廿年列戟但
安貧吳淞江上鱸魚美肯憶東華十丈塵

七月望日宿壽陽驛口占次韓昌黎題壁韻

計程十日別長安漸解生衣備客寒入夜牕前撼撼雨
教人深憶月團團

韓信嶺

羞與狗屠伍徒深免死悲名驚大將日覺伏假王時濁
醕邨前社荒碑嶺上祠不聞如布越千載繫人思

關中棘院言懷示同事諸子四首

雍州古神皋赫矣帝王宅星躔東井文地括河圖冊臨
渭企周叟望商懷漢客代運雖湮沈英賢有遺跡伊余
乘輶軒凜凜奉繩尺考藝廣國華揚言彙群策况乃天
衢亨求賢方側席不有曠世才伊何慰茲役

弱齡事柔翰矻矻無終期晨吟廢朝蹟夜誦甘宵飢經
營苦有意決擇慎所宜每躋有司試終邀 聖主知識

塗在老馬折肱成良醫雖無人倫鑒宿昔諒不欺

先皇昔臨御鄭重登賢士試可乃揚廷敷求慎綱紀便
殿語太息思以厲士恥荏苒踰十年明訓常在耳緬想
睿慮深重忝國恩被顧市空驂騶搜林徧杞梓持以奉

吾君拳拳獨懷此

並命來名都翩然蘭省客意氣擬凌仙文章欲稱伯共
事更何人英華信弈弈惠起穀陽聲異有中牟迹七郡
十二賢八共南宮籍素友各開襟新知並聯席持將冰
雪清對此月華碧良會非徒然他時念離隔

華山二首

危峰如削出開闢問鴻濛入岫纔窺日憑崖欲御風羽
飄秦代女苔覆漢時宮何處雲裳客清霄此路通
栢林千磴香石綫數峯明架壑成縣度飛樓接化城河
靈親拓掌仙客自呼名不摘芙蓉住多慚衛叔卿

函谷秦關

峻阻函關舊長墉襟帶移真人誰駕犢使者自乘驪城
柝侵寒靜河風入晚悲羸秦曾此地屢挫六王師

甘壕去陝州九十里

陝東蕭瑟甚百里但荒丘槿落人防虎柴車客飯牛泥
翻積雨怯山壓暮雲愁土室停驂後邨醪亦醉謳

函谷漢關

舊險移楊僕新銘著李尤峭山奔積壘澗水影重樓朔
氣秋原動寒光野樹浮城南坑卒地風雨不勝愁

二月十七日 上御經筵大學士寶坻杜公垂

示恭紀四韻敬次和

盛朝文治俗還醇蘭殿方看視講新雲暎采魚開秘帙

風生璵珮引儒臣尋源聖學羹牆切就日 天顏咫尺

親何幸一經陪御幄更聞上宰賦陽春

庚戌三月四日恭聽傳臚喜家大兄及第

天門曉啓綵雲披蕊榜傳來眾樂隨正是軒宮重麗日
時殿工方告成纔過修禊秉蘭時漢家仙仗陳黃屋魯國儒冠拜

赤墀多愧却詵曾擢第還開花萼上林枝

蒙 恩授國子監祭酒作

銜命慚為胄子師璧池此日擁皋比猶餘俎豆先王禮
尚識樅鏞大雅詩六館儒官陪文席四門弟子列經帷
追思執琰當堦拜十二年前解褐時

庚戌除夜

絳蠟遲遲漏未央
漸看淑氣轉青陽
開簾欲入梅風暖
舉琖初浮栢酒香
天上先春多雨露
鬢邊早歲有星霜
長安十度逢除夜
倍向筵前惜景光

辛亥元旦

蔥籠佳氣識年華
宮闕重重望裏賒
隄畔輕煙先著柳
城頭曙色欲明霞
彤廷曉入傳銅箭
碧殿朝回控玉駟
還上北堂齊獻壽
垂垂綵袖映春葩

二月十七日

上御經筵禮畢

賜宴協和門

恭紀

禮樂崇文德
詩書大聖功
談經輕虎觀
問道邁崆峒
鳳宸臨金殿
龍輿下碧宮
司分春正半
亭午日當空
玉几

橫籤軸花磚
隱珮璫敷陳關

主德儆戒竭
臣衷至理

詳明命微言
表執中堯湯
千古契舜禹
一心同穆穆

天儀晬溫溫

睿念冲無私
恢四目有喜
識重瞳闕下

留芳宴筵前
肅上公綺肴
萬品錯桂醕
百壺充湛露
恩真渥條風景
最融捧觴霑
欲醉作賦速
偏工綠字祥
方啓青霄志
可通小儒徒
測海長此效
呼嵩

同家大兄招同郡諸公集黑龍潭分韻二首

仙館金庭路
幾重近依帝
籍傍高墉壇
空欲下雲中
鶴樹老疑蟠
潭底龍小閣
寒生風瑟瑟
方塘晴映水
溶溶朋儕不倦
遊觀興指數
城西千萬峰

顥氣潛移乍得霜
猶然秋襖狎年光
境緣絕僻成良會

送顧見山之洮岷任

答白東谷先生見懷之作

送李侍御左官出宰

題尤生洲小像二絕

宋蓼天學士遷戶部侍郎有贈

送吳孟舉

馬殿聞招同兩家兄及徐方虎王成博韓元少王

季友李倚江集李氏園亭話李文正王文恪吳

文定諸公賞菊圖軼事因次圖中馬上聯句原

韻二首

酬別錢飲光二首

和韻贈吳敬生

亦園秋興四首次益都馮公韻

九日留直內閣

立春日侍直

送曹峨嶠予假旋里

送王建伯成進士還里

送王虹友還里

送冀司空相度河工

侍宴景山蒙賜金盤李

送陳悅巖宮詹祭告北鎮

送徐方虎

贈孫岷瞻別

送湯爾遠任寶應學博

弘德殿直講恭紀二首

武闈即事二首和孫作庭少司馬

武殿試讀卷次益都相公韻四首

含經堂集卷四

崑山徐元文立齋著

壬子元日早朝

瑞氣曈曈揭曉暎充庭玉帛共朝元百靈祥護蒼龍闕
萬壽聲喧白獸尊繞仗晴光凝日角分堦清珮雜雲門
天厨向午還開宴簪被齊霑湛露恩

同潘孟升飲大兄寓齋二首

宿柳宜春晚平樓愛雨餘入簾三徑草傍戶一牀書觴
詠情何遠衣冠禮最疎豈須心迹并即此是幽居
相對惟深飲更闌百舉杯月憑高樹吐花受晚風催不
盡吹埵興偏驚擊鉢才

謂孟升詩先成

莫愁酩酊醉猶控玉鑣回

扈從 籍田恭紀

東陸迎春候南郊舉耜年三微開曆朔八政重民天紫
禁齋扉啓青壇社享蠲雨添畦樹碧風送苑花妍玉軼
臨神甸鑿旂麗廣川深宮嘉種上魏闕珮琚聯淑氣芳
林裏卿雲帳殿前朧朧開直道膺膺出橫阡六遂承恩
近三農望澤偏朱紘迎曉日蒼輅拂輕煙禮即三推備
勤當萬國先明禋供御廩多稼俶公田講治思蔗藜勞
民念粥餽憲章卑漢記闕略鑒周宣幸遇康功即還陳
七月篇

送座主大學士曲沃衛公旋里

帝眷優元老台司重大賢人瞻朱袞入朝待黑轡旋虛
位三階上今憂百辟先曾聞開閣禮終絕掃門緣峻節
冰壺映成功樂石懸人倫師儉素天意信恭虔捧日重
霄際興雲太岱邊矢謨前御席清問走中涓道足侔元
凱情還念倥傯老臣回劍履殊寵備林泉興逸逍遙谷
榮傳晝錦篇驛符沙苑馬月俸水衡錢宿柳青門合流
鶯紫禁連廷臣餞疏廣弟子賸彭宣絳幄恩無二金閨
遇最偏霜蹄慚翦拂雲翻羨飛騫身繫安危重名真出
處全誰能上姑射冰雪侍神仙

次韻奉和大學士益都馮公亦園詩二首

上宰林園偏勝地風流自詠輞川詩陂塘小鑿堪垂釣
楊柳新栽漸作絲望裏雲巖開遠障鋤成花圃插重籬

春萋秋幹皆堪賞此日金臺異昔時
平楚蒼然背郭遙四圍芳樹雜申椒
雲邊睥睨環新塢水外亭臺帶野橋
鶴徑飛觴時藉草花林度馬競攀條
期公雨露寰區遍帝里先看物色饒

南苑 閱武應制

青陽初動禁林隈講武親煩萬乘來
鵙曉風傳鳳蹕芙蓉芳苑下龍媒
祥煙東陸凝天仗爽色西山接帝臺
弓影簇時皆似月車塵飛處已成雷
雕旗映隊鼉聲發羽節臨營鴈翼開
令出分明司馬法功成應待畫麟才
中黃指顧雲屯合太白翩翩日景回
石壘舊圖傳八陣袞衣後乘列三台
射雕飛將鳴絃侍繡虎詞臣載筆陪
風肅旌門無過鳥霞明組帳有傳杯
只看師武嚴初律已覺 皇仁布九垓
此日儒官齊獻頌葱龍佳氣近蓬萊

癸丑二月十三日 上御經筵 命講

精微千古繼虞廷講幄重開列御屏
帝業就將方一貫臣司揚扝已頻經
金題日麗鑪煙幕玉殿風微樂奏停
拜獻欲訓勤問意涓流何以益滄溟

三月二十三日恭聽傳臚喜家二兄及第

通明春殿啓天閭鸞鳳銜來御紙黃
夾陛旌旂含喜氣分行簪笏媚韶光
一門世業青箱裏廿載 君恩紫禁
旁何意棣華相映發後先齊占上林芳

西苑賜宴觀荷詩四首 有序

蓋聞軒后神靈史著合宮之頌姬文光顯詩成在
囿之篇良由治紀阜安休徵游豫事堪永世樂在
無荒也欽惟昭代景運開天 皇仁被物值 主
臣之一德吁咈成謨撫清宴於萬方游歌志雅時
維炎夏律中林鍾候應溫風日交大暑薰來殿閣
凍灑晨涼備芳苑之車旗觀蓬池之菡萏松颺颺
乎御路雲晻靄于華林爾乃仗擁千官班聯三省
共叨恩于陪輦得攬勝于流觴洞壑幽清似九成
之避暑樓臺飄緲望三島以登仙溢路鸞鈴旌旆
彤雲生色分行劒鳥芙蓉綠水爲鄉遂乃徑轉銀
塘隄牽錦纜泛鷁鸞于別渚眇島嶼于遙汀青雀
凌風張中流之綵幄金鼇跨澗橫倒飲之晴虹停
橈則影接天光擊汰而波涵 帝澤葳蕤翠蓋琅
玕出海之枝葩赫朱蘼靺鞨凌空之色石鯨自躍
日暖滄池翡翠群飛風香碧沼于是堯尊徧酌挽
北斗以挹雲漿湯鼎兼調啓瓊筵而陳玉饌波光
寫鏡乘槎銀漢之旁清籟自天張樂洞庭之上
敕從官以勸勞 天語溫和停羽騎而遲回 睿
情悅豫豈徒蘭芳菊秀誇泂水之雄材巒幕歌鐘
侈樂遊之高譙而已哉蓋將以嗣鎬洛之逸軌流
卿旦之隆聲也用是敬托颺言有懷思獻載歌長

句不醉無歸綠樹細荷比陪遊于興慶玉堂金闕
媿侍宴于蓬萊庶幾七字之成冀誌千秋之盛云

爾

濯枝雨過啓朝霞暫下金輿攬物華魏闕迢遙連秘苑
瀛洲縹緲是仙家雲飛曲蓋迎空舉柳蔭凋鞍拂路斜
極目澄瀾明鏡裏還從碧漢泛星槎

帳殿臨流暑乍涼紛披菡萏溢銀塘朱英的的迎丹旆
翠葉田田映碧觴畫舸風來含水氣綺筵晴望接山光
汾游洛飲奚堪數此日君臣燕愷長

最誇勝地過蓬島更喜芳尊侍黻帷仙籟恍聞天上樂
名花本號水中芝九成華棟鼇梁近百子靈池鳳艦移
聖主光輝到鳧鴈况班鷓鷯沐殊私
軒庭禮樂簪裾盛漢苑風光臺沼多幸得親承瑤水宴
可能無奏爛雲歌天星泛酒流芳蟻神鼎施庖進紫駝
歸傍禁闈咸旣醉回看太液是恩波

送顧見山之洮岷任

朔風近嚴節行人戒晨裝傾城爭祖道四座各盡觴
聖朝隆岳牧出鎮需賢良顧侯擅才諳風雅能文章高
藻比蘭玉名傳京洛場守官二十載幾載尚書郎屢奉
黃紙使經時別 帝鄉一朝旋蘭省祇命復遐方岷山
高嵯峨洮水流其陽地接湟中塞關臨枹罕羌軍書十
五城斥堠遙相望勞臣睠魏闕 天子重巖疆姓名留

殿柱京兆何堂堂憶昔共游處心期同慨慷翻飛每異地懷抱成分張睽彼南雲馳感茲越鳥翔何辭厲羽翮一舉凌雪霜弭節整前旌青驪溢道傍且醉駝酥酒醉後歌伊涼袖中西域圖歸來奏明光

荅白東谷先生見懷之作

石頭城下承顏色使節飄飄返京國提攜駒齒絡青絲爲許莢花空冀北蕭瑟秋颺下白門當時濩落負深恩重來相見金閨側無限春風笑語溫玉堂舊事追趨久共識流輝照前後文體遙應翼典謨履聲直上千台斗爽鳩封事奏明刑薄海秋荼拜福星豈謂松筠耽綠野故遲霖雨答蒼生白傅歸來唯却掃著書牕下龍鱗老

絃歌幾載隔彭宣不惜瑤華慰枯槁一官牢落對金臺何日玄亭問字來回首平生拜恩處晉雲燕月共徘徊

送李侍御左官出宰

文帝漢明主長沙棲賈生後人疑痛哭何不交公卿豈知括后意任才良匪輕聖朝重民寄亦輟蘭臺英春風戒單車拜手辭承明南征即長道祖帳傾都城軒輊中外間世情豈足嬰蒼梧瀆水上自可效澄清百里歌謳作一室清琴鳴主上待宣室行矣勉令名

題尤生洲小像二絕

虬姿宜在畫圖中家住吳山東復東自愛鳳皇城下路玉驄嘶入落花風

知爾高名似越人，竭來調馬薊門春。上池縱有滌腸水，不浣淄衣十斛塵。

宋蓼天學士遷戶部侍郎有贈

禁林仙閣典綸絲，綵筆攜將判度支。獨筦九銖泉府筴，好吟萬石栢梁詩。艱難苦憶民生計，水旱頻教聖主知。恩命仍通丹殿籍，莫言奪爾鳳皇池。

奉命仍兼學士

送吳孟舉

有客愁看京洛塵，扁舟回指潞河濱。離亭酒對西山雪，御苑花遲故國春。舉坐清言推樂令，一時詩格數吳均。四門學館興賢地，君去如今復幾人。

馬殿聞招同兩家，兄及徐方虎。王成博韓元少。

王季友李倚江集李氏園亭話李文正王文恪
吳文定諸公賞菊圖軼事因次圖中馬上聯句

原韻二首

郊野秋深動遠颼，高林蕭爽葉初辭。槐張油幕堪留坐，栢結僊禽不耐騎。

園有槐樹編枝成幔及結栢為鶴形

亭館乍開涼雨後，壺觴却

遇晚花時尋幽未，是離堂酌莫漫輕題贈別詩。

時家長兄擬南歸

樓外輕雲柳外颼，追攀前致主人辭。銀牀倚處看新汲，寶馬調來待醉騎。休澣共誇先代事，談諧頗憶故鄉時。

座上皆吳客，縱無街火供官燭，猶得宵聯並轡詩。

先朝故事京朝官燕飲還邸街吏例

給燈火望若繁星

訓別錢飲光二首

此日燕臺醉客星高人聊爾寄沈冥樓頭意氣猶湖海
座上衣冠自典型飄梗不辭違故里息機終喜戀巖扃
離亭寒色春過半煙柳濛濛未放青

曾是雉羹傳上壽今看鶴髮宛神仙便便有腹誇經笥

落落無心問酒錢笛感向期如昨日

時宗伯龔芝麓方謝世

書成漢伯

亦多年

景鸞字漢伯作易說及詩解見益都者舊傳先生所著書則易學詩學也

他時吳會扁舟過春樹

江花意邈然

和韻贈吳敬生

躡屩間關別故林燕王臺畔恣登臨青雲豈惜遭時晚
白髮應知感遇深花底攜朋還共醉風前策衛且長吟
帝城四月啼鶯滿爛熳看君桃李陰

敬生門弟子多登第官京師者

亦園秋興四首次益都馮公韻

名園負郭帶煙霞徑仄橋危逐水斜朝罷每來成日涉
秋深極望覺心遐地堪結架偏依樹池可浮舟故著槎
便欲息機觀物外相攜騎從寂無譁

招隱寧須問薜蘿小山藜桂此無過籃輦客到迷幽徑
籬落花開漾晚波興至不辭清濁酒情深時發短長歌
台庭吟唱多佳句欲和其如白雪何

藥圃蔬畦傍水濱酒壚僧舍自為鄰幽尋不惜過從遠
促坐應無禮數頻霄漢名高看補袞江湖心在試垂綸
林亭涼葉隨砧杵想見汀洲采白蘋

楓落蘭彫露乍收獨餘楊柳宿煙浮行人尚欲攀隄畔

少嬾猶應怨陌頭何處數聲聞隴笛只今萬里擁天矛
人生蕭散真難得暫此留連便十洲

九日留直內閣

餌菊囊萸節物道禁庭分直獨淹留未成孔令升臺別
欲賦潘郎寓省秋閭闔生風微爽入罌罍轉日晚光浮
莫言辜負登高約已踏雲霄碧殿頭

立春日侍直

玉律回陽候金門向暖初蒼珪臨鳳宸青旆繞龍輿日
麗編珠網風和結綺疏發生同草樹常得傍軒除

送曹峨嶠予假旋里

愛爾金閨客文章獨老成人推江左秀家擅建安名驛

路薰風發門前潮水迎深知覲省意非是厭承明

送王建伯成進士還里

涼颼乍起入秋晨策馬南旋問去津喜爾已爲通籍客
憐余猶是未歸人敝廬暇日殷勤訪邸舍愁懷展轉陳
好共兒曹愛清晷窮探萬卷及芳春

送王虹友還里

才華如錦筆如椽京國閒遊意渺然客坐高談憑玉麈
相門遺業護青氈十年風雨違文讌一夕星河照別筵
此去鄉園秋未老好題佳句滿西田

送冀司空相度河工

霓旌獵獵挾霜風 詔視河渠仗節雄自昔經營先太

保况平水土屬司空導流積石還趨海伐竹宣房待築
宮秔稻雲帆關國計好紓民力慰宸衷

侍宴景山蒙賜金盤李

山亭瑤席午陰涼珍果房陵特賜嘗似日朱萍含石密
如星丹荔抱丁香甘流玉齒涓涓液色映金盤熠熠光
瓊玖尋常猶有報深恩何以答君王

送陳悅巖宮詹祭告北鎮

潔齋銜命鳳皇城秩祀醫閭指舊京金版宣時甘露
下御香焚處喬雲生名山望幸非無意才子乘春倍有
情此日徒河非絕塞八騶高擁使車行

送徐方虎

有美吳興彥歸心愴容與游子重解攜居人念儔侶夙
昔忝同懷嗷嗷勗古處憶君游太學談笑輕華臚篤行
比林宗明經方貢禹三策獻彤廷萬卷闚秘府同時多
駿雄斯人寡匹伍長貧守一官風期每自許皇都八
月秋曾城急砧杵上書請休沐翻然歌出祖悠悠千里
行輕鷗閒柔艣蘋洲一葉下菰城片帆舉明年越山春
金芽香顧渚茗雪水初生花溪夾漁浦趨裝及良辰山
川曠天宇長嘯黃金臺爲君一延佇

贈孫岷瞻別

天府琳瑯南國琛禁庭容裔奉恩深喜余兄弟兼師友
愛爾風流絕古今載酒春生泰嶺畔題詩月上碧湖陰

風光莫戀鄉園好丹宸須君獻六箴

送湯爾遠任寶應學博

羨爾譚經獨少年此行猶得擁青瑣
臬比據座官偏冷首宿充盤春
可憐折角定能傾五鹿升堂好
爲兆三鱣射陽湖畔花千樹
載酒誰分月俸錢

弘德殿直講恭紀二首

肅穆金華散紫氛侍臣親切望堯雲
萬幾不忘三餘學一德兼修六藝文
宵漏未闌勤玉宸晨參纔罷擁書芸
邇英崇政承恩數愧少涓埃答聖君

綈几瓊筵直御牀琅函開處裊鑪香
細旂旁委神仙珮繡棟高懸日月章
敢謂重霄攀羽翼期師往聖見羹牆

玉階向午從容出甘露金莖每賜嘗

詩五 武闈即事二首和孫忞庭少司馬

詔求猛士 帝紘開飛蓋羣賢接軫來
瑣院深宵齒茗燭華堂清讌菊花杯
賓鴻白露初遵渚市駿黃金舊築臺
簾外侍郎傳逸唱定知孫楚濟時才

想像陰符簡練時長槍那可廢毛錐
禁中頗牧應推爾暗裏孫吳合是誰
磨盾他年看草檄登壇此日試褰旗
三湘百粵餘封豕敢負楓宸鼙鼓思

武殿試讀卷次益都相公韻四首

廷簡干城彥飛騰志意伸含毫當殿陞
被褐近星辰豹虎戎韜舊熊羆史卜
新長楊還校射親奉屬車塵

選並春曹重臨軒 詔命申承恩仍秘省撫景及蕭辰
廟算籌兵熟軍書獻捷新歌風思猛士邊徼靜煙塵
風緊三秋過雲祥五色來登壇他日事挾策一時才鳳
閣傳麻出龍樓候鑰開方張羅士網誰復歎無媒
東掖連丹陛羣公赤鳥來翹關應得將拊髀為須才列
燭銀盤照分筵玉醴開黃金臺上望袞袞驟龍媒

含經堂集卷四

遊闡明車二首味絲刺我少后馬
主贊向千巖容出甘露金蓮其顯嘗
師往聖見羹

含經堂集卷五目錄

詩五

丁巳秋唐子恪省試報罷同余自白門歸口占三
首

諸勿菴董律始少楹自青溪見訪集家大兄憺園
限雲字

勿菴律始少楹集家二兄書齋仍用雲字
晚集得樹園仍限雲字

立秋後一日棹過郊園訪確菴和尚家松之適來
分韻得秋字五首

九月十日同友人登山晚移棹妙喜園訪確公二

首

九月十五日愚谷伯父顧大讓表兄見過荒園同
家二兄及松之韓來鶴顧予聞泛舟山塘登山
玩月過三益園小憩還就大讓霖雨堂飲四首
諸勿菴招遊辰余諸峰賦謝八首
訓高澹人四首

陸宇鏡劉震修萬貞一葉九來王碩園家松之集
綠滋堂分韻得微字

小園梨樹六月得花因成二首
夜過維亭

望亭夜發二首

慧山泉二首

毘陵苦旱二首

桔槔

至毘陵寓居楊氏宅二首

家大兄自泰興過常州寓舍

苦熱

陳集生見訪毘陵

西瓜

將去毘陵震修以病留適唐子恪至遂同行
所在禱雨不效感而賦此

丹陽曉發

句容溧水道中

至溧水宿永壽禪院

贈吳敬生學博

蒲塘

過溧水後重柬敬生

高淳七夕小飲憶震修

高淳雜詠四首

至宣城同梅淵公晚登敬亭山二首

渡青弋江

青陽道上古樹成林

清泉

翫華亭

過齊山

謁余忠宣公廟

皖城

望樅陽有懷錢叟飲光

阻風老洲頭

題畫

登橫江太白樓

阻風土橋

繁昌江上

蕪湖送經遠同唐子恪赴宣城

含經堂集卷五
三
蝶磯弔孫夫人

天門山

采石

故神樂觀

織造曹君示所賜

御書敬賦

含經堂集卷五

崑山徐

元文

立齋著

丁巳秋唐子恪省試報罷同余自白門歸口占
三首

斥鷃何相笑神魚亦暴腮世人輕實學天意老奇才山
葉迎寒下邳蓬逐晚開憶君出門日方藝早禾來

頗閱推遷理能將得失忘行藏任豚犬閱歷勉風霜白
屋愁深淺青箱業渺茫樟園風日好為展讀書堂

吾家有玉樹早發一枝榮憐為常多病憂兼易得名猶
餘竹林想不忘渭陽情傾遲長安信歸當并日行

炯姪南
闡獲雋

諸甥姪試京兆
者尚未得信

諸勿菴董律始少楹自青溪見訪集家大兄憺
園限雲字

勝侶翩然鶴鷺群清言踈坐散炎氛稱詩句好留黃絹
招隱情多贈白雲池上一尊傳碧葉樓頭萬卷裛香芸
夜涼莫訝追吟晚筆硯年來久棄焚

勿菴律始少楹集家二兄書齋仍用雲字

難成良會易離羣豈惜晨遊盡日曛却望天邊飛赤羽
不教巖下走元纁鮮葩坐對蘭池草幽石庭分笠澤雲
最是洞陰深樹裏暮聲落落隔窻聞

晚集得樹園仍限雲字

偶營一壑伴鷗羣好客來過蕙草薰老樹蒼苔臨小築

平疇綠圃看初耘當軒灩灩流華月映澗鱗鱗漾水雲
野色山光堪共賞莫辭深酌到宵分

立秋後一日棹過郊園訪確菴和尚家松之適
來分韻得秋字五首

曳杖琴臺最上頭相期瓶鉢玉山留

余訪確公靈巖確公方欲退院余家有別業在西郊之外

因招之
駐錫

彌天迹可同孤鶴得地心還近野鷗數畝檀欒香

閣晚四圍菡萏碧池秋空郊寂寂無人到獨許南州孺

子遊

謂松之

江上初迴舳艫舟一瓢聊爾託西疇

確公自京口還止此

危橋枕水

波還碧老樹垂藤意已秋終日看山非縱屐有時迎客

自科頭禪心不廢風人興詠就新詩似貫休

確公見示園中十詩

寂歷禪龕象外幽偶成良會足冥搜閒房坐臥誰為客
小院清涼不繫秋盡脫言詮輕觀肇獨期心賞在羊求
禪林大樹餘公在蔭覆人多合暫休

竹風莫莫景悠悠高樹清蟬嘯未休林罅曦光孤墜迴

籬邊檣影片帆秋鴈門師結東林勝鹿塞人傳朔漠愁

一卷共吟還共歎鶴書曾不到營州

適讀吳漢槎秋茄集故云

浮生幽志苦難訓此日流連散百憂聽演三車移永晝

看飄一葉及涼秋飯魚每撥匙中粒渡客常維樹下舟

此地好餘元度在芙蓉湖畔莫輕遊

時錫山方招延確公

九月十日同友人登山晚移棹妙喜園訪確公

二首

候已過秋禳人真慰索居招要翠微半徙倚夕陽初遠

堞林煙合空郊鴈影疎攜將茗椀在斗酒不須儲

乘興還紆棹禪關欲掩初丹霞餘碧嶂白月在清渠小

閣芙蓉外香龕桂蕊餘不成淹夜語揮手故躊躇

九月十五日愚谷伯父顧大讓表兄見過荒園

同家二兄及松之韓來鶴顧予聞泛舟山塘登

山玩月過三益園小憇還就大讓霖雨堂飲四

首

聯袂相過總忘形茆齋曾不異郊坰清池皓影呈雙鶴
老樹深陰覆一庭乍斂林煙開月宇更烹茶鼎候山亭

伯父先遣僮至山園煮茗

門前小艇涼波動疑上天河泛客星

登山得月是嘉辰景霽高空迴絕塵此夕金波浮雉堞
當年碧浪駭龍津

玉峰下故是巨津洪波溢
浦坐山亭談此故及之

峰迎顥氣星河逼樹

帶寒光水石新應為半秋風雨過故教靈魄倍還人
結架天然地一區相將小隱共清娛

三益園為伯父及葉
九來吳扶風所同築

琢成

瓊壁環屏障開取軒窗出畫圖兩水澄明含玉鏡數峰
嶂岫傲香鑪空傳三徑蓮華下曾有奇巒入座無

綠野遺蹤越百年至今堂構尚依然

霖雨堂乃顧
文康公別業

秋籬向露

開金鑿畫幌迎風動綺錢共把紅螺臨廣榭故移青雀

繫迴川

大讓恐余輩竟返移其
舟去故處求之不得

夜闌不惜重攜手肯負瑤光碧

海懸

余與來鶴輩更
舍舟踏月而歸

諸勿菴招遊辰余諸峯賦謝八首

靈峰招隱結蒿廬暇日相將散客裾竹磴迴縈丹嶂杳

書堂閒敞碧壇虛當牕遠塔雲中出拂檻清泉石底疏

漫說神鼉有奇蹟幽人此住即仙閭

辰山九峯草堂為勿
菴所築與神鼉館接

多君泉石展奇勲別藪搽巖歲月勤不忘溪山當日主

更留祠廟碧湖濱

祠列九峯諸
賢在鏡湖側

菜花豆葉浮金翠荇帶蓴絲

映縠紋正值春皋課農罷牛欄斜映一林曛

細林東麓眇雲莊高會依然君子堂

飲陸氏
園中

入坐半為棲

遜客看山多在水雲鄉仙巖暫駐逢鳧鳥石鼎聯吟佐

羽觴

邑令劉侯與
曹道士在坐

月午芳筵拌醕酏幾時更摘晚菘嘗

半峰紺宇出雲根二俊書齋舊此存

千山圓智寺二
陸讀書堂在焉

不見

華亭餘啖鶴空聞蘭芷詠飛鴛天連白水光疑瀉山接

青冥勢欲奔騰有東巖高士墓好留煙月伴黃昏三高士墓在東麓

上嶺雲橫下碧川層巒峭崿何年老藤挂樹花枝亂
峭壁臨潭石影懸自覺林中來客少每于臺畔得春偏
穠桃落盡辛夷放刺眼風光劇可憐

芳園名岫足冥搜選勝重來動昔愁桂棟雕闌那不改
獲輿筍屐幾能遊煙含遠樹巖皆秀澗積春苔徑自幽

香閣依微竹院靜好山長為佛龕留橫山李氏園亭夙嘗遊止中經毀廢亭館蕩然將變

為墟塚賴勿菴買山徧置精廬守以緇侶山得無恙

自哭陳遵歲月深與君同絕伯牙琴重煩此日遺編贈
無限空山感舊心陳十峰與勿菴及余最善勿菴攜十峰舊蹟見贈客舍尊壘頻入夢

往與十峰同客日事文酒墓門松檟未成陰關情更有潘尼在江上青龍

對苦吟余少曾與潘翁孩士同十峰賦青龍江詩孩士今亦同遊

迢遞迴塘漸向東第二峰下畫橈通謂余山地宜薜笋泉皆

別人到丘樊賦每工古寺蒼茫層嶺外閒園蕭瑟晚煙

中頑仙廬畔傳經客碧琰銀燈夜半同是夕飲董律始齋中其居即陳眉公頑仙廬

訓高澹人四首

挾天才獨擅奮迹上青霄賦筆傳中禁恩暉異外朝

曉關銀箭待夕殿玉輪邀婉孌銅龍裏真堪傲八貂

揚雄能博覽梁鵠最工書校字開琅帙含毫對綺疏好

詩天上和常宴大官儲風度張思曼招要步玉除張敦復學士與

澹人同內庭供奉

絃網招賢日翩翩獻賦來爭傳白雪唱齊上黃金臺兩
露恩無報風塵眼倍開此時陪後乘還羨歲星才
參辰一以隔三載曠知音忽枉懷人什偏多感別心鮮
芳餘藻翰風義重瑤金他日班荆話憂余鬢雪侵

陸宇鏡劉震修萬貞一葉九來王碩園家松之
集綠滋堂分韻得微字

客來能散暑對景總忘機小閣橫花塢虛堂瞰石磯涼
風搖樹晚清漢入檐微山酌饒幽興相期製薜衣

小園梨樹六月得花因成二首

暑節溫風扇俄開冰玉姿光隨素槿發香逐絳荷移大
谷應垂實空庭正滿枝晚花無限好那必及春時

不忍孤芳歇終能荅歲華楮寧須作葉綵豈待爲花冷
豔欺紈扇繁香透網紗誰知持白雪却得傍紅霞

夜過維亭

鳴榔當暑夕水面遞微涼樹帶邨廬小波涵石堰長浮
瀾風浩浩流景月茫茫本是江鄉客滄洲興不忘

望亭夜發二首

入舟困炎暑挂席喜宵行穆穆金波泛霏霏玉葉生暫
能停羽扇祇欲濯塵纓况對同懷客高談意每傾
所翫殊非故真同鄭圃遊岼疑隨舸動星欲帶雲流野
步邨燈見荒亭戍堡留平生屢經過幾度月當頭

慧山泉二首

時劉震
修共載

一泓靈液好碧蔭復高梧半嶺雲皆潤當軒草不枯清
何殊沆瀣香豈愛醍醐修綆無勞汲尊匏直置衢
畏此流金日欣看噴玉泉終依紺宇靜獨益碧山妍細
響亭陰出微涓石脈穿任人區品第芳潔只年年

毘陵苦旱二首

曦陽驕未已愁此頓輕橈海闊空留眼

城西三里有巨木橫
亘河底人稱海眼

江

深不送潮千畦纔藝菽百頃待疏苗入夕亭皋外偏愁
月色饒

天行豈虛沴皇澤敢辭頻再歲仍枯旱餘忙倍苦辛
石惟思燕羽雲祇望龍鱗得遇盈塗潦從教濺客輪

桔槔

後枯資一溉機事敢辭勤苦憶翻盆雨難誇荷鍤雲足
胝輪更轉水激馴俄分力盡勞歌發偏令空外聞

至毘陵寓居楊氏宅二首

虛館傍東闈庭深草作茵門懸雙戟好書寄一牀新住
得邀名士來非問主人壺餐終日有客旅未全貧
寂寂芳園裏山多徑未平餘花垂磴戶老樹覆巖楹閣
小藤蘿暗橋空行藻明往來人跡少不住沸蟬聲

家大兄自泰興過常州寓舍

江外紆舟向斗城吾兄垂訪慰羈情狂呼五斗高談涌
乍撥三絃煩暑清羈屐未嫌賓榻滿圓方且喜客庖盈
輸他何氏東山下共守林樊學避名

苦熱

炎雲峰不散團月扇何功汗有揮成雨窻無暫至風甘
瓜晨便剖疎簟夜疑烘豈少征行客驅馳毒霧中

陳集生見訪毘陵

旅次乘舫訪高懷奈爾何披襟散毛髮把酒屬星河瓶
粟家儲少巾車客到多近傳佳句在知是費吟哦

西瓜

瓜熟離離薦園疇歲亦登名應自西極色豈羨東陵剖
實丹霞絢浮甘碧玉澄藉茲銷內熱絕勝飲寒冰

將去毘陵震修以病留適唐子恪至遂同行

共舫連牀散鬱陶征車不定客程遙到時夜正冰輪滿

別日風初碧葉飄病態劉楨還落拓賦情唐勒且招要
蓬飛萍合無端事兩地羈心對寂寥

所在禱雨不效感而賦此

靈壇紛若走群巫矯首泥龍應絕無豈惜長生訓束哲
空將短札笑岑瑜篝車已枉田家祝擔負誰輸內史租
何意朱明正農節却來滿目對榛蕪

丹陽曉發

傍驛傳宵炬綠城颺曉旌橋通行舶緩笳入戍樓清漠
漠生煙合離離遠樹迎秋來纔一日已覺客衣輕

句容溧水道中

岼似金堤帝山如勾漏砂空亭延旅屐淺水滯枯槎樹

斷猶存枿池荒僅漚麻豈堪千頃稻不作一畦花
至溧水宿永壽禪院

琳宮開藻野寶塏壯嚴城旅騎曾經過禪關早識名牕
前虛榻靜竹下暗風生客夢餘深省鳴鼃曉院深

贈吳敬生學博

地有書堂舊

溧水有董永蔡邕讀書堂

廬傳隱客星

東廬山相傳嚴子陵結廬之所

君來臨學

館何異住巖扃闢舍親題記開帷共說經相逢情宿昔
攜酒到郊坰

蒲塘

在溧水

宿柳長堤映碧蒿蒲塘橋下水容刀望中高塚殘碑出
傳是當時左伯莖

過溧水後重柬敬生

東廬靄靄白雲多三鶴仙山更若何縣解尚留殘碣在
乞君重認漢光和

高淳七夕小飲憶震修

天上文螭駕人間夜鵲靈明河光澌澌織月態亭亭高
館尊浮蟻閒庭露濕螢晉陵留滯客誰共看雙星

高淳雜詠四首

蓼葉蒲根相映秋林邊煙塢水邊洲差差細浪浮萍動
棹出漁邨一葉舟

固城湖畔帶江潮宛宛長虹跨石橋萬樹輕楊堤下種
行人舉手恰攀條

草木平陵舊得名浮闌石白淺還清莫嫌荒縣無闔郭
墨綬身當百雉城

花山迴接秀山隈曾說仙人駕鶴來花茁牡丹占歲稔
云何不遣一枝開

花山石上有白牡丹
開則歲稔土人云

至宣城同梅淵公晚登敬亭山二首

謝公留賞後山色到如今客路尋知己來遊惜晚陰溪
幽白石暗松靜碧煙深回磴迷離上微聞鐘梵音
山能盤百里閣已入重霄檻外雲無際林端月漸饒傾
杯持客袂縛炬照峰腰不厭相看好胡然返暮輶

渡青弋江

江在南陵

來過青弋水古渡一槎橫輕淺浮沙色空澄漾午晴人

家波外靜津樹望中明甘冽曾何匹泉經未得名

青陽道上古樹成林

樓船頻有役老樹祇餘根何意蒼山外依然碧蔭存
枝風浩闊接葉勢飛翻足息千夫暘終訓雨露恩

清泉

泉去青陽十里真西山舊題清泉兩大字

巖下涓涓一勺餘掬來毒暑覺全除摩挲怪石荒榛下
不見西山兩字書

翫華亭

四矚羣巒列翠屏九華中豁水泠泠何人到此溪橋畔
不讀殘詩上小亭

亭刻王文成公詩句

過齊山

山在池州城南三里

似剡山川好停車坐石碕排雲峯頡頏齊山十餘峰勢皆並峙故名涵碧
水迷離隄路嚴城直邨碑古寺移巖泉空九十遊賞却
餘誰山泉大小九十一處

謁余忠宣公廟廟在安慶城內

城亡猶巷戰身死重千鈞異代旌明主當年媿老臣一
軍爭狗義舉室樂成仁墓下瞻遺廟衣冠覺有神

皖城

地勢全收楚風光漸入吳人家兵後減草木旱來枯江
外紆旌節家中丞行清見訪舟中城頭隱舳艫龍山雲渺渺不遇采
芝徒

望樅陽有懷錢叟飲光

曾說樅江上旌旗漢帝雄波流終浩淼煙井自朦朧故
壘迷陶侃荒城沒呂蒙田間有遺老滯跡尚吳中飲光有田間集

阻風老洲頭桐城

白浪漫天涌前津欲濟難風波常不定宇宙抑何寬夏
艇宜晨發江峯愛遠看閒尋舉網處情繫蓼花灘

題畫

晴巒翠不收霜楓紅欲落林際采樵人隨雲度山閣

登橫江太白樓銅陵

橫江古渡側太白舊祠留不見五松樹銅官一山有五松太白因以名之至今人稱銅

陵為五松云惟餘百尺樓風應迴袖舞太白詩有要須迴舞袖拂盡五松山之句濤自擁山

流惆悵懷人意憑軒起暮愁

阻風土橋無為州

江入銅官路風驚勢欲狂蕭蕭靡岼荻析析振邨楊波
急漁空網湍迴客頓檣津人慣濤險一葦自能航

繁昌江上

平波如掌宿霾收泛泛輕鳧伴客舟荻港晴臨橋影直
赭圻秋入樹光稠江留戍堡皆成勝山得人家覺更幽
莫道此中靈藥少曾聞挹袖有浮丘縣有浮丘山仙人浮丘公隱處

蕪湖送經遠同唐子恪赴宣城

一月身羈旅三番路別離送兒歷山去樹聲往錫山攜客晉陵

辭謂震修江上扁舟隔風前獨影支敬亭頻得到珍重和新

詩

螻磯弔孫夫人

生違劔閣辭椒寢死戀螻磯掩翟衣不葬吳山豈無意
千秋魂魄樂西歸

天門山

江容婉婉雙眉列天表峨峨兩闕浮曾似山經神禹鑿
特開關鑰下洪流

采石

江出天門北青山迴不羣重樓空靄入列岫翠煙分泛
渚宜邀月攀松足駐雲當年謫仙客深憶謝將軍

故神樂觀

勝代舊精禋壇荒委暮塵空餘肆舞地誰是步虛人深

院藏丹簡明庭禮玉晨方山與鍾阜相望自成鄰

織造曹君示所賜 御書敬賦

奎壁天奇藻河山地寶章典彝探突奧道秘協羹牆

聖以多能作文將庶品昌絲言垂訓誥瑤札煥琳琅栢

殿常趨侍楓庭屢拜颺擘窠驚卧虎飛白動儀鳳睿製

光軒頡恩施感廟廊披懷逢縞帶盟手啓緡囊干斗芒

千丈縈河錦七襄金題嚴欵識玉躑細裝潢皇矣清寧

篆

卷用小璽清寧之寶

休哉敬慎堂

所賜敬慎二大字為堂額

鐘聲揮古句

又賜唐人絕句一幅

麥

氣詠微涼

御書絕句云郊原浮麥氣池沼漾清萍夏日臨橋望薰風處處新乃聖製也

箋並澄心貴煙應

易水良鳳毛騰九采龍甲發千光遊藝空前詰昭回契

彼蒼冲情留染翰餘暇寄垂裳筆諫誰能繼書評詎敢

量觀瀾真浩浩測海但茫茫制作追疇畫規模越漢唐

臣文恭讚頌 臣璽慎珍藏

含經堂集卷五

西



